



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-1-40-177-7/25**
Datum: **09.07.2025. godine**

«Agencija za vodno područje rijeke Save» Sarajevo rješavajući po službenom zahtjevu Ministarstva za prostorno uređenje, promet i komunikacije i zaštitu okoline Zeničko-dobojskog kantona za donošenje rješenja o prethodnoj vodnoj saglasnosti za ispuštanje tehnoloških otpadnih voda u prirodni recipijent sa lokaliteta proizvodnog objekta namjene – proizvodnja RDF/SRF alternativnog goriva iz otpada i primarna prerada plastike u Poslovnoj zoni «Zenica I», grad Zenica a u postupku pribavljanja urbanističke saglasnosti po zahtjevu pravnog lica «PET SERVIS» d.o.o. Zenica, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E

1. Odbija se zahtjev pravnog lica «PET SERVIS» d.o.o. Zenica za izdavanje prethodne vodne saglasnosti za ispuštanje tehnoloških otpadnih voda u prirodni recipijent sa lokaliteta proizvodnog objekta namjene – proizvodnja RDF/SRF alternativnog goriva iz otpada i primarna prerada plastike planiranog u Poslovnoj zoni «Zenica I» na zemljištu označenom kao k.č. broj: 290/574 K.O. Zenica I, grad Zenica, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ovo Rješenje ne oslobađa podnosioca zahtjeva obaveze pribavljanja suglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.

O b r a z l o ž e n j e

Ministarstvo za prostorno uređenje, promet i komunikacije i zaštitu okoline Zeničko-dobojskog kantona u postupku izdavanja urbanističke saglasnosti za izgradnju proizvodnog objekta namjene – proizvodnja RDF/SRF alternativnog goriva iz otpada i primarna prerada plastike u Poslovnoj zoni «Zenica I» na zemljištu označenom kao k.č. broj: 290/574 K.O. Zenica I, grad Zenica a po zahtjevu Investitora «PET SERVIS» d.o.o. Zenica, uputilo je po službenoj dužnosti dana 25.04.2025. godine zahtjev za izdavanje prethodne vodne saglasnosti za predmetni objekat nadležnoj «Agenciji za vodno područje rijeke Save» Sarajevo.

Uz zahtjev nije dostavljena dokumentacija koja je propisana članom 3. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19 i 41/20) te je dopisom broj: UP-1/21-1-40-177-2/25 od 30.04.2025. godine zatraženo od podnosioca zahtjeva da istu dopuni. Investitor je dopunio zahtjev u naknadno ostavljenom roku.

U provedenom postupku dostavljena je i pregledana sljedeća dokumentacija:

- Ovjerena kopija Kopija Aktuelnog izvoda iz sudskog registra broj: 043-0-RegZ-25-000463 izdatog dana 17.02.2025. godine od strane Općinskog suda u Zenici,
- Ovjerena kopija Uvjerenja o registraciji poreznog obveznika izdatog dana 10.12.2019. godine od strane Porezne uprave Federacije BiH-Kantonalni ured Zenica,
- Kopija Mišljenja broj: 03-19-11025/25 o usklađenosti planiranih aktivnosti sa prostorno planskom dokumentacijom grada Zenica izdato dana 16.05.2025. od strane Službe za urbanizam Grad Zenica (prilog: izvod iz planske dokumentacije),
- Kopija Zemljišnoknjižnog izvotka broj: 043-0-NAR-24-024 253, ZKU broj: 7524 izdatog dana 09.12.2024. godine od strane Zemljišnoknjižnog ureda Općinskog suda u Zenici,
- Kopija katastarskog plana UR broj: 04-26-10-3574/25-2 izdatog dana 03.03.2025. godine od strane Službe za urbanizam, Grad Zenica,
- Kopija Posjedovnog lista broj: 1212 izdatog dana 03.03.2025. godine od strane Službe za urbanizam, Grad Zenica,
- Urbanističko-tehnički uslovi izdati dana 22.01.2024. godine od strane Službe za urbanizam, Grad Zenica,
- Tehnički opis (izvod iz Idejnog projekta urađenog od strane «ALTEA» d.o.o. Zenica (broj: IP-26-1/25, januar 2025. godine),

- Studija za izdavanje prethodne vodne saglasnosti za proizvodni objekat koji se planira graditi na k.č. broj: 290/574 K.O. Zenica I, grad Zenica Investitora «PET SERVIS» d.o.o. Zenica rađena od strane «TQM» d.o.o. Lukavac (broj: 10-118-4436/25, juni 2025. godine,
- Kopija Zaključka o odbacivanju zahtjeva za izdavanje prethodne vodne saglasnosti broj: UP-I/25-1-40-536-2/18 izdatog dana 22.10.2018. godine za objekat za obradu i zbrinjavanje neopasnog otpada na zemljištu označenom kao k.č. broj: 290/534 K.O. Zenica I, grad Zenica podnesenog od strane «PET SERVIS» d.o.o. Zenica,
- Kopija Saglasnosti broj: 203-4892-2/25 AP na lokaciju za izgradnju proizvodnog objekta u Poslovnoj zoni «Zenica I» na zemljištu označenom kao k.č. broj: 290/574 K.O. Zenica I, grad Zenica Investitora «PET SERVIS» d.o.o. Zenica izdatog dana 23.05.2025. godine od strane JP «Vodovod i kanalizacija» d.o.o. Zenica,
- Dokaz o uplaćenju upravnoj taksi na zahtjev.

Na osnovu dostavljene dokumentacije utvrđeno je sljedeće:

Predmetni proizvodni objekat planiran je u Poslovnoj zoni «Zenica I» na zemljištu označenom kao k.č. broj: 290/574 K.O. Zenica I, grad Zenica. U ovoj Poslovnoj zoni izgrađena je kompletna infrastruktura tako da je planirano da se predmetni objekat priključi na postojeću vodovodnu, kanalizacionu, elektro i ostale mreže. Namjena objekta je obrada i zbrinjavanje neopasnog otpada.

Unutar objekta predviđena je hala (proizvodnja I) za primarnu preradu plastike tj proizvodnja poluproizvoda namijenjenog za dalju proizvodnju gotovog proizvoda od recikliranog materijala. U tom dijelu objekta biće smješteni: transportna traka, mlin za usitnjavanje materijala, silos za odvoz gotovog materijala iz mlina. U drugom dijelu objekta (proizvodnja II) planirana je proizvodnja RDF/SRF alternativnog goriva iz otpada namijenjen za cementare u Lukavcu i Kaknju. Na ulazu u ovaj dio objekta predviđena je transportna traka širine 1,5 m i dužine 8,0 m sa elektromagnetom za odvajanje metala. Objekat će imati administrativni prostor sa čajnom kuhinjom i toaletima za uposlene. Prikupljene sanitarno fekalne vode iz toaleta će biti priključene na postojeću gradsku kanalizacionu mrežu kojom upravlja JP «Vodovod i kanalizacija» d.o.o. Zenica. Oborinske vode sa platoa i parking prostora oko planiranog objekta biće prikupljene zasebnom kanalizacionom mrežom i odvedene u postojeću oborinsku kanalizacionu mrežu. U proizvodnom dijelu objekta, u postupku primarne prerade plastike i proizvodnje RDF/SRF alternativnog goriva iz otpada neće nastajati tehnološke otpadne vode.

Obzirom na namjenu budućeg proizvodnog objekta, na predmetnoj lokaciji se neće odvijati aktivnosti koje kao rezultat mogu imati ispuštanje tehnoloških otpadnih voda kako je to definisano članom 3. stav (1) tačka (cc), a u vezi sa tačkom (s) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 01/24), odnosno nema ispuštanja otpadnih voda u smislu odredbi člana 109. stav (2) tačka 1. Zakona o vodama.

Iz razloga naprijed navedenih, a u skladu s članom 109. stav (1) Zakona o vodama i članom 200. stav (1) Zakona o upravnom postupku riješeno je kao u dispozitivu.

Podnosilac zahtjeva je uplatio upravnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju

Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- «PET SERVIS» d.o.o. Zenica, Poslovna zona Zenica I, ul. Zmaja od Bosne bb, 72000 Zenica
- Ministarstvo za prostorno uređenje, promet i komunikacije i zaštitu okoliša
Zeničko-dobojskog kantona, Kučukovići br 2, 72000 Zenica
- ⊖ AVP Sava, ISV – Vodna knjiga
- Sektor 40 – arhiva
- Oglasna ploča - AVP Sava